



Шормо эл, пориллик да гим бер!

40-ше (3324) №,
2017 ий 30 сентябрь,
шуматкече.

ЯМДЕ-ЛИЙ

1933 ий 1 февраль годсек лектеш.

0+

5 октябрь - Туныктышын тўнямбал кечыже



Екатерина Николаевна Яндулова (**снимкыште - ончылно**) Шернур район Кукнур школнам 2012 ийыште тунем пытарен. Марий кугыжаныш университет деч вара шочмо школышкыжо тений пашаш толын. Тудо 7-ше да 10-шо класслаште руш йылмым да литературым туныкта. «Лингвистика» да «Ужар планета» кружоклам вўдаш тўналеш. Школ директор Н.А.Медведева 7-ше классым вуйлаташ ўшанен. Кугу опытан педагог-наставник Л.В.Конакова самырык специалистлан полшаш ямде. Туныктышо професийым ойырен налаш мо шўкалтышым ыштен? Йоча-влакым йўратымыже да пагалыме туныктышыжо-влакын урокым мастарын да онайын эртарымышт! Ушанен кодына, Екатерина Николаевна педагогын куштылго огыл пашаже огеш лўдыктў да кўкшў сенымашке шуаш полша.

Т.А.КОНАКОВА, тўналтыш класслаште туныктышо.




5-15 октябрьыште подписке декаде эрта. «Ямде лийлан» шулдырак ак дене возалташ лиеш.

Подписке
1 сентябрь гыч 2018 ийын I пелыжлан подписке тургым тўналын. «Ямде лийым» «Почта России» каталогышто муыда. Газетым почто гоч Марий Элыште, Пошкырт ден Татарстан кундемлаште веле налаш лиеш.
ИНДЕКС ИКТЕ - П4696.

Марий Турек район Лом ялысе йочасад (вуйлатыше – Д.А.Овчинникова) 72 тўжем тенгеаш грантым сенген налын. Тиде окса дене спорт да модмо площадкылам ыштеныт.

30 сентябрьыште вўдысў спорт туризм дене Марий Эл Республикын чемпионатше эрта. Тагасымаш «Шыжымсе Какшан» вўд туризм фестивалын радамашкыже пура.

«Моя Россия» йоча туризм национальный программе почеш 2017 ий 1 сентябрь гыч 15 ноябрь марте Марий Элысе тунемше-влак Санкт-Петербургыш, Москваш, Москва-Калуга-Тула маршрут почеш экскурсий дене каен кертыт.



Уверлан уло вер

28 сентябрьште Марий Эл Республикысе образований да науко министерствыште «Компас прав ребѣнка: инициатива – просвещение – практика» проектым илышыш шындарыме шотышто пресс-конференций эртен.

Марий Эл Республике Вуйлатыше пелен йоча-влакын правашт шотышто уполномоченный Е.П.Бурдо, образований да науко министр Н.В.Адамова, «Радуга» СДПО-н вуйлатышыже Л.В.Лоскутова, «Человек и закон» организацийын вуйлатышыже И.В.Протасова журналист-влак дене вашлийыныт.

Ты проект негызеш йочан праважым аралыше да кангашым пуышо общественный корпусым чумырымо. **Л.ГРИГОРЬЕВА.**



Йодышда лектеш гын, pravodeti12.ru «Детская линия» сайтыш пурен, консультацийым яра налаш лиеш.

Школыштына «Пакчасаска - 2017» конкурс эртен. Танасымаште түрлө номинаций лийын. Иктыже – «Пакчасе селфи» – поснак онгай ыле. Фотомыштен, «Вконтакте» социальный сетыште улшо «Мемнан школ илыш» группышко колтеденна. Эн шуко йўкым погышо сенгышыш лектын. Икымше верым 11-ше классыште тунемше-влак налынтыт, а мемнан 8-ше класс кокымшо лийын. Снимкыште мый улам.

Марина ЛУКИЯНОВА,
8-ше класс.
Шернур, Марисола.



Пакчасе селфи

Төрлатымаш:

«Ямде лийын» 23 сентябрьште лекше номерыштыже инаугураций нерген уверыште 21 октябрь олмеш 21 сентябрь манын лудман.

Пөлеклем мотор аршашым

Шўм гыч лекше шомакем Туныктышылан каласем. Пагалымашым ончыктен, Шокшын-шокшын саламлем. Пеледыш аршашым пөлеклем, Тазалыкым тыланем. Пашаштыже – сенгымашым, Илышыште –

келшымашым.

Илыш корныш

йочам лукташ

Шуко күлеш туныкташ.

Кажне икшыве верч

тыршен

Ыштат пашам,

шўм йўлен.

Эмилия

АЛЕКСАНДРОВА.

Морко, Коркатово.



1 октябрь - Илалше-влакын тўнямбал кечышт

Таза лийза, коча-кована!

Мыйын ковам ўштымбалне ила. Шўжарем дене коктын кенжеж каникул годым тудын деке унала миенна. Шудым ыштенна, выныкым пидынна. Кастене футболла модынна.

Вика ЕМЕЛЬЯНОВА.



Кажне кенжежым коча-ковам Россий мучко путешествоватлаш йоратат. Тений мыйымат пеленышт налыныт. Мылам Санкт-Петербургом ончыктеныт. Нунылан тауштем. Илалше-влакын пайремышт дене саламлем!

Элина МИРОНОВА.

Кужэгер, Конганур.



Историйым шергалына

Кугу Отечественный сар тўналмек, 1941 ий 30 сентябрьште Москва верч кредалмаш ылыжын. Историк-влак тудым Московская битва манын лўмденыт. Тиде кредалмаш кок ужашлан шелалтеш: 1941 ий 30 сентябрь гыч 4 декабрь марте - тушман деч аралалтмаш (оборонительный) да 1941 ий 5 декабрь гыч 1942 ий 20 апрель марте - ончыко кайымаш (наступательный). Военный историйыште Москва верч кредалмаш «Тайфун» операций семын палыме.

Октябрьыште кече вашке пыта, тудым печеш йольшташ огеш лий.
Калыкмут.

Шыже пагыт

Идалыкыште уло жап, «Шортнў пагыт» ман лўмдат.

Шортнў тўсыш савырна

Мемнан марий чодырана.

Карина ЗОСИМОВА,

4-ше «В» класс.

1-ше номеран Морко школ.

Марий телевиденийын ончычсо вуйлатышыже, журналист, тале мер пашаен **Владимир Иванович Оленевын** ўмыр лугыч колымыжлан кўра ешыжлан, родо-тукымжылан чаманымашым каласена.

«Ямде лий» газет редакций.

Пүртүсүмүрө



2017
ГОД ЭКОЛОГИИ
В РОССИИ

Владилен Владимирович ТОЙШЕВ,
«Марий Чодра» национальный паркын эко-
логий просвещения, туризм да рекреаций
йодыш дене тунь специалистше:



ЭКО-УРОК

– Национальный парк посна аралыме пүртүс кумдыклар шотлалтеш. Сандене мемнан тунь сомылна – тудым да тусо поянылыкым аралаш да шукемдаш. Парк кумдыкышто туризм пашам вианден колтымашлан кугу туткылыкым ойырена. Калыкым «Марий Чодра» дене палдарыме шонымаш

дене экологий

сынан түрлө

«Марий Чодра» – кундемдын поянылыкше экскурсийым темлена. Мутлан, «Путешествие по «Кленовогорью» экскурсий, «След человека» экологий да краеведений йолгорно, «По легендам марийского края» имне тур. Калык коклаште пүртүс аралыме нерген умылтарыме пашам эртарена. Йоча, тыгак кугыен-влакым «Марш парков», «День птиц», «Первоцветы», «Посади своё дерево», «Мы чистим мир» да моло акцийлаш ушена. Парк кумдыкышто куд школ лесничестве пашам ышта. Нуно мыланна арулыкым эскерыме, пушентым шындыме шотышто кугу польшым пуат. Йоча-влак шинчымашыштым пойдарат, түрлө опытым, шымлыме пашам эртарат. Школ лесничестве-влакын слётыштышт участвоватлат, конкурслашке ушат. Парк кумдыкышто шукш-копшанге, насекомый туньям эше түрысnek шымлен шуктымо огыл. Тиде ончыкылык паша.



Марий Эл Республикысе «Марий Чодра» кугыжаныш национальный парк кумда Российын ик эн мотор да поян вершөржылан шотлалтеш. Яндар ер ден памаш-влак, вуд шуко улман энерла, гүжлен шогышо чодыра, кушкыл ден янык тунья – чыла тиде «Марий Чодран» поянылыкше.

Кунам шочын: 1985 ий 13 сентябрьште.

Кушто верланен:

республикын кечывалвел-эрвел ужашыштыже, Волжск ола деч 20-40 менге ордыжтө, Йошкар-Ола деч 50-70 менге тораште. Морко, Волжский, Звенигово район-влакын мландыштым айла.

Паркын кумдыкшо:

36,6 тужем гектар. Ныл лесничестве: Керебеляк, Яльчик, Ваштар курык да Луш-марий – верланен. Арамлан огыл паркын «Марий Чодра» манын лүмдымө. Тушто иман да лышташан түрлө пушентге кушкеш.

Кугешныме

верла: парк кумдыкышто Ужар памаш, Ваштар курык, Ваштар курыкысо тумер, Шунгалдан, Яльчик, Глухое, Круглое ерла, Кичиер, Кужьер, Шугьер пүртүс памятник-шамыч верланенит.



Янык ден кайык-влакым муза, чиялтыза.

Марий Элыште кушшо кушкыл-влак кокла гыч 85 процентше паркыште шочеш. Тушто 188 түрлө кайык, 700 утла түрлө янык, вудышто 43 түрлө кол илат. Российын Йошкар книгашкыже пуртымо чарланге ден пүркыт вашлиялтыт. Паркын тунь вудкорныжо – Элнет. Тушко Ушут, Уба, Вончо, Пёт изи энерла йоген пурат.

Л.ГРИГОРЬЕВА ямдылен.



Кочкаш йөршө понгыжо мыняре-е!

«Кугу Какшан» заповедникын научный сотрудник Геннадий Алексеевич БОГДАНОВЫЙ эскерымыж гыч:



– Тенийысе шыже понгылан пеш поян огыл. Но **пундыштүнвогго** (опята) ден **рывыжвогым** (лисички) лынак погаш лиш. Кочкаш йөршө южо понго пеш шуэн вашлиялтеш. Южо ийын огытат шоч. Садлан нуным Марий Эл Республикын Йошкар книгашкыже пуртымо.



Пүнчерысе корно воктен, пожар ваштареш күнчымö кужу вынемыште **канде гирипорым** коклан муаш лиш. Шуко понгызо тудым ошпонго дене луга. Күзö дене пүчмеке але кид



Пүнчерыште, регенче коклаште, **пестиковый рога-тиким** верешташ лиш. Тудо изи шугыныла коеш. Калыкыште ты понгым «Геркулесова дубинка» маныт.

дене тükимеке, понгын упшыжо кандалга. Сандене ең-влак тудым кудалтен кодат. Тыге понго у тукумлан шыркам колтен ок шукто. **Шышталге** тусан **гирипор** понгат шуэн вашлиялтшылан шотлалтеш.



Лышташан түр-лö пушенге кушман чодыраште ош тусан, коралл



гай койшо **ежевик** шочеш. Ты понго Йошкар-Ола воктенысе Тумерыште да Пүнчерыште вашлиялтеш.


Тений вес понгым – **шемалге-канде паутинникым** – муынна. Тудат шуэн вашлиялтше радамыш пура, куэрыште але шопкерыште шочеш. Шкеже пүтынек **шемалге-канде** тусан.

Тылеч посна эше шуко түрлö понго шуэн вашлиялтшылан шотлалтеш. Нуным, йоча-влак, аралыман.



Экологий ийлан пöлеклалтше «Спаси дерево – сдай макулатуру» акцийышке

Коркатово лицейын тунемшыже-влак руж ушненыт. Нуно мотор марий пүртүслан полшаш күлмым раш умылат. А тидым шомак дене огыл, паша дене ыштыман. Ик килограмм тошто кагазат пушенгын үмыржым арален коден кертеш.



Морко район.

В.СМИРНОВ.

Пунан вүршудо (зверобой) пүртүс лонгаште шуэн вашлиялтеш. Тудым Марий Эл Республикын Йошкар книгашкыже пуртымо. Сентябрь тўналтыште Экологий лүдыкшы-дымылык департаментын да Ботанический садын пашаенже-влак 100 вүршудо вожым «Карман курык» (Морко район) пүртүс памятник кумдыкыш кусарен шынденит.

Увер ога

Тений кенежым Марий Элыште чодыра дене пайдаланыше-влакын ушемшытым ыштыме.



Мут - Вужга кисалан

Марий Эл Республикысе Т.Евсеев лүмеш национальный тоштерын ик экспонатше – **күчык поч** кайык. Рушлаже крапивник маныт. Узо күчык поч – уста «чоңышо». Тудо ава кайыкын мунчаш тўналмыж деч ончыч иктаж 9-12 пыжашым опта. Пашажым мучашла да пелашым сымыстараш пижеш. Ава кайык мужырлан тугай күчык почым ойырен налеш, кудо эн шуко пыжашым чоңа. Молан тыге, шымлызе-влак тачат умылтарен огыт керт. Ава кайык ик пыжашеш пүкташ шинчеш, а момыштыжо вара кушкын шушо иге-влак илаш тўналыт.



Чодыра чаманен

Каныш кечын авай дене коктын чодырашке ошкылна. Чодыра ялна деч тораште огыл верланен.

– *Понгым, очыни, огына му, үдырем, – ошкылмына годым ойла авам. – Арам коштына ала-мо? Шыч нойо дыр?*

– *Мыйым, изиеным, чодыра чамана, авай, – лыпландарем мыят. – Садак муына. Чодыра поян, маныт.*

Тыгак лие. Чодыра гыч понган толна.

Ангелина ОГНЕВА.

Морко, Курыкйымал.



Мотор шыже

Шыже - мотор пагыт. Пушенгыла гыч чевер тусан лышташ-влак вельт. Кайык-шамыч шокшо элыш тар-ваненыт. Ужар шудо нарын-чалген. Пеледышла-же могай моторын койыт! Мый шыжым йоратем.

Алина КУЗНЕЦОВА.
Морко, Энерсола.



Кумалтыш-влак радам

Марий тувыра рудерын фольклор дене методистше. Республикысе марий рүдö юмынйула ушемын секретарьже Галина Алексеевна ЛАСТОЧКИНА кумалтышым эртарыме радам дене палдара.



Ото - тувыра ужаш

1 октябрь - Советский район Кукмарий ял кумалтыш, Шернур район Оно-Морко мер кумалтыш.

5 октябрь - Советский район Кугунур ял кумалтыш.

8 октябрь - Йошкар-Олаште шыже кумалтыш, Советский район Янгранур ял кумалтыш, Марий Турек калык Кирзавод дене Турек Суртанлан кумалеш, Советский район Опанассола ял кумалтыш.

15 октябрь - Оршанке район Аппак отышто мер кумалтыш.

22 октябрь - Шернур район Кугу Коклала отышто Кугу Туня кумалтыш.

22 октябрь - Параньга район Олор ял кумалтыш.

29 октябрь - Советский район Шуймучаш ялын Чокмото отыштыжо Туня кумалтыш. Марий Турек район Күшыл Мосара ял кумалтыш.

Ноябрьште Морко район Шлань ял кумалтыш лиш.

Ой, рыжык!

Изи Катюша Советский посёлкышто ила, «Висвис» лүман йочасадыш коштеш. Тудлан визымше октябрьште 6 ий темеш. Каныш кечын Кукмарий ялыш кочаковаж деке унала толеда. Шуко мурым пала да мура, йомакым моторын каласкала.

Пүртүсым йората. Кенежым чодыраш саскам, а шыжым понгым погаш коштеш. Теве каныш кечын Ониса коваж дене рыжыкым (кожвонго) ведра тич поген конденыт.

Л.БАСОВА.

Мардан памаш

Ял воктене Мардан курык уло. Ожно курык вуй гыч ял марте имне корно лийын. Курык йымачын памаш йоген лектын. Тудым Мардан памаш маныт. Тушко ял калык вургемым шүалташ коштын, пеш кугу черет лийын. Садлан тушан кок кужу пу волакым шынденыт. Кызытат памаш ший гай вүдшö дене калыкым куандара.

Юлианна ЕРМОЛАЕВА.

Марий Турек, Сардаял.

Калык налзе

Октябрьште кечывал марте - шыже, кечывал деч вара - теле.

Октябрь мландым толышташ дене, кырпак лум дене леведеш.

Октябрьште ик саска веле - пызлыгичке.

ЭКО-йолгорно

Ик каныш кечын йолташем дене пырля чодыраш понгым погаш кайышна. Пеленна пийым нална. Чодыраш пурен веле шуктышна, вик южын яндарлыкшым шижна. Шүлаш пешак ласка. Кенета пийна ончык кудалын колтыш, вара умылышна: тудо мерангым поктен, но кучен кертын огыл. Понгым поген ошкылшыла, чумырген вочшо шоншым ужна. Пий опташ тунгале. Йолташем ден коктын шоншым кидышке нална да öрдыжкырак коранден пыштышна. Понго шуко шочын. Кок ведрем да ик пакетым темышна. Ошкүрезе, шемкүрезе, шопкевапка да коявонго ятырак погынышт. Корно мучко мурым мурен, мөнгтö вельш ошкылна.

Морко, Шүргыял.

Ольга БОКОВА.



Туристлан

Пале да шарне!

✓ Чодырасе янлык ден кайык-влакын игышт-шамычым ит кучо, мӧнгышкетат ит кондо.

✓ Кишкым ит пушт – тудат пӱртӱслан пайдам конда.

✓ Лывым, шудышырчы-кым, копшанге-влакым ит кучо. Нунат пӱртӱслан кӱлит.

✓ Чодыраште куткышуэм ит шалатыл. Кутко-влак чодыран санитарже улыт.

✓ Пушентгылаште укш-влакым ит тодышт.



Тудо 50 градус йӱштым чыта.

Невежинский сорт пызле калыкыште кумдан палыме. Тиде сортын пызлыгычкыже шолдыра да шере.

В.КУГОРНО ямдылен.

Ушан тумна



Пызлым пиалым кондышо пушентгылан шотлат. Тудо осал вий деч арала, маныт.

Сандене пызле укшым пӧрт пырдыжеш кырен шынденыт. Суртышко пурымо капка, омса ѳмбаке пижыктеныт. Черле енын кийыме верышкыже пызле укш гыч ыштыме ыресым пыштеныт. Колымашым поктен колта, шоненыт. Ожно пызле кажне сурт воктене але пакчаште кушкын.

Ожно пызле кажне сурт воктене але пакчаште кушкын.

Ожно пызле кажне сурт воктене але пакчаште кушкын.

Ожно пызле кажне сурт воктене але пакчаште кушкын.

Ожно пызле кажне сурт воктене але пакчаште кушкын.



Ужавам, ѳш вуйым арале.

Нуно айдемылан энгекым кондышо шуко насекомыйым пытарат.

Евгения ОГУРЦОВА сӱретше. Волжский, Сотнур.



Конкурсш

Келшен каненна

Мый кенез канышем кресавамын ялыштыже, Кытынсолаште, эртаренам. Ял пеш мотор верыште, курык серыште, шинча. Тудым мӱндырчак ужаш лиеш. Курык йымачын памаш йыргыктен йога. Пошкудо ѳдыр-влак дене пырля яндар вӱдлан коштынна. Курык весмогырышто чашкер ужарген шога. Изииш умбалнырак куэрла кушкеш. Тушто ме модын куржталынна, тӱрлӧ емыжым погенна.

А кайыкше кузе сылнын муреныт! Олык тӱрлӧ пеледыш дене сӧрастаралтын. Эн сӧралжым поген, вуйшӱдышым пидынна. Ялыште тӱрлӧ ола гыч толшо йоча-влак каненыт. Мый нунын дене пырля каныме жапем веселан, куанен эртаренам.

Анна УРТЬЕВА, 7-ше «Б» класс.

Волжский, Шарача.



Марий

Элыште пушентгым шындыме акций тӱналын. Морко, Куяр, Кокшайск, Волжский лесничестве-влакын кумдыкыштышт 100 тӱжем наре кож ден пӱнчӧ росотам шындаш палемдыме.

Чодыраште

Тымык годым

Йыр ончал. эрдене чодыраште

Кумылет вик кӱза!

Ала-кушто торасе куэште

Сур куку веселан йӱжлана.

Шып шога пистерла, кадыргалын,


Кожерат эр юж дене нера. куаналын,

Вашке кече лектеш тӱналеш гӱжланаш чодыра. Алёна **ВАСИЛЬЕВА.**

Морко, Вончӱмбал.

Йоратыме туныктышына

Туныктышо профессор илышыште эн күлешан. Йоратыме туныктышына – Светлана Геннадьевна Чернова. Тудо мемнам 1-ше класс гычак туныкта. Классыште 16 тунемше улына. Туныктышына кажне урокым раш умылтара. Светлана Геннадьевнам уло класс дене пагалена. Пайрем дене саламлена.




Андрей НИКОЛАЕВ,

Алина ПЕТРОВА, Даша СЕМЕНОВА,
3-шо «Б» класс.

Саламлем!

Лүмгече

23 сентябрьште Сысоево школем 50 ияш лүмгечыжым палемдыш. Пел курым жапыште тышеч мынар тунемше кумда илыш корныш лектын! Нуно районышто, республикыште пагалыме ег лийынат. Тыгай кўкшытыш шумаште туныктышо-влакын надырышт моткоч кугу. Туныктышо-влакым профессиональный пайремышт дене шокшын саламлен, «тау» мутым каласем. Упда суремеш гынат, чонда дене эре весела кумылан, рвезе кодса. Тазалыкым да кугу пиалым тыланем.



Юля ВОЛКОВА.
Марий Турек район.

Тауштем

Тыланет, Туныктышем,
Сай саламым колтем.
Чыла порым тыланен
Кучыктем пеледышем.

Ты аршаш гай пеледаш
Йоча-влак коклаште.

Шинчымаш ден волгалташ
Мыланна тўняште.

Тыланет, Туныктышем,
«Тау» мутым мый ойлем.
Кажне кечын школышко
Куаналын вашкем.

Шинчымашым налына
Ушан меже лийына.

Чот тыршен тунемына
Шулдыранже кумылда.

Юлиана АНТОНОВА,
Евгения ВАСИЛЬЕВА.
Волжский, Сотнур.

Мыйын йоратыме туныктышем – Аида Михайловна Павлова. Тудо поро, шыма, весела. Урокым пеш моштен, сылнын вўда, чыла раш умылтара. Туныктышем пайрем дене саламлем.

Виктория АЛЕКСЕЕВА,
3-шо «А» класс.

Морко, Коркотово.

Туныктышем – Людмила Ивановна Тихонова. Тудо поро кумылан, йоча-влакым умылен мошта. Туныктышем мыланем моткочак келша. Ме Людмила Ивановнам пеш пагалена.

Дмитрий ТИТУХИН,
2-шо класс.



Конкурсыш

Тыге кенез эртыш

Мый кенезым пеш йоратем. Тунам тўрлө саска шочеш. Мый кокам деке унала мианем.

Пакчаштыже шўкшудым кўраш полшанем, кўмыжсовлам мушкынам. Олыкыш снегым, мўрым погаш коштынам. Шижынат шым шукто, кенез каникулем эртенат кайыш.

Светлана ЛЕБЕДЕВА.
Параньга, Матародо.

Волжский, Сотнур.



Айста аныклена

Нине рвезе-влак электроэнергийым кучылт моштат мо? Мом йонылыш ыштат? Сўретым ончен, туныктышыда дене пырля кангашыза.

6 октябрь - Шыргыжмашын тўнямбал кечыже

Лишыл егланада шыргыжалза да тыгай весела смайлик-влакым кучыктыза.

Кок могырымат чиян картон гыч 3 сантиметр радиусан онгым пўчкын лука. Фломастер дене чурыйым сўретлыза. Кок могырымат чиян кагаз гыч 1 сантиметр лопкытан 4 ужашым пўчкын лука: кокытшо 10 сантиметр, кокытшо 13 сантиметр кутышан лийышт. Нуным лыкын-лукин тодылза да кид ден йол семын клеитлыза.






«Шочын пакчасшем»


Макар БУСЫГИН Советский район Кукмарий ялыште коча-коваж дене кавуным шынден. Кавун моткоч кугу шочын. Макар ынде тиде пакчасаска дене мом ышташ манын шона...

О.КОШКИНА.

Йодыш знак олмышто могай числа лийшаш? Кузе палышыч?



10 ойыртемем му.




Парня модыш

Мыйын уло вич йолташ:

Икте йöрата малаш,
Кокымшо – мураш-кушташ,
Кумшо – тале мыскараче,
Нылымше – моткоч пашаче,
Визымше вяян да тале.
Кö эн шерге, мый ом пале.
Икте мыланемже раш – Улыт чыланат йолташ.

А.ЯКОВЛЕВА.

2 октябрь – Врачын тунямбал кечыже



Айболитлан шприцым налашыже полшыза.



Тушто

Изи кайык веле,
Шинчын кож укшеш,
Нур покшелне тельым
Шкетын вашлиеш.
Вика АНТРОПОВА.
Кужэгер,
Йүледүр.



Кроссворд



1. Школым вуйлата.

7. Школышто шинчымашым пуа.

11. Тунемше-влакын пöлемышт.

2. Тыгыде олма але Пекиныште илыше үдыр. 3. Йочалан возышо марий писатель үдырамаш. 4. Уныкам куандара. 5. Күкшö огыл, изирак. 6. Кожын але пүнчын саскаже. 8. Пашазым тунуктен лукшо тунемме заведений. 9. Йошкынеш урналт вочшо энгер кол. 10. Ошкылмо почеш кодеш. 12. Чодыра орол.

А.АНДРЕЕВ ямдылен.

Йошкар-Ола.

Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 1689. Формат – А-4-8. Директор-тун редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.ru, Тел. 45-25-49(факс); 45-22-82.

выктыме. Типографийын

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч са- адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службн Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Печатыш пуымо жап – 14-00, фактически – 13-00. Ак – кутырен келшыме почеш.

Авторын да редакцийын шонмашышт түрлö лийын кертыт. Серыш-влак мөнгеш огыт коллат.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.